

Statura præcedentis, articulo antennarum basali brevior, thoracis longitudinem dimidiam vix superante, 2 illo duplo longiore et vix graciliore.

8. *R. costalis* STÅL.

Miniata, sericea; antennis, lobo capitis medio, rostro, hemelytris, pedibus anoque nigro-fuscis; margine costali hemelytrorum fusco-albido. ♂. Long. 9, Lat. 2½ Millim. — (Mus. Holm. et STÅL.).

Præcedentibus longior, major, articulo antennarum basali thoraci æquilongæ, 2 illo plus dimidio longiore, nonnihil graciliore.

9. *R. concinna* STÅL.

Supra obscure olivacea, sericea, subtus cum scutello capiteque sanguinea, hujus lobo medio, punctis 4 vel vittis 2 basalibus, antennis, rostro pedibusque nigricantibus. ♂. Long. 7, Lat. 1½ Millim. — (Mus. Holm. et STÅL.).

Articulus basalis antennarum thorace nonnihil brevior, 2 illo vix duplo longior, paullulum gracilior.

10. *R. subannulata* STÅL.

Supra cum antennis, vittaque marginali pectoris abdominisque nigro-fusca, subtus flavo-albida; macula utrimque marginali minore oblonga aliaque maxima media triangulari thoracis scutelloque lutescentibus; pedibus dilute fuscis, femorum dimidio basali flavo-albido. ♀. Long. 7, Lat. 2 Millim. — (Mus. Holm.).

Antennarum articulus basalis thorace vix ½ brevior, obsolete flavescens-annulatus, 2 illo vix duplo longior, paullulum gracilior.

11. *R. bivittata* STÅL.

Cum antennis nigro-fusca; abdomine sordide rufo-albido; marginibus lateralibus thoracis, vitta percurrente hemelytrorum fusco-albidis; pedibus dilute fuscis, femorum dimidio basali sordide flavo-albido. ♀. Long. 6, Lat. 1½ Millim. — (Mus. Holm.).

Articulus antennarum basalis thorace ½ brevior, 2 illo duplo fere longior, nonnihil gracilior.

12. *R. patruelis* STÅL.

Pallide lutescens; capite, antennis, macula transversa basali thoracis, scutello hemelytrisque nigro-fuscis, his flavo-testaceo-vittatis; pedibus fuscis, femorum dimidio basali sordide flavo-albido; macula magna utrimque pectoris vittaque intramarginali ventris pone medium abbreviata nigro-fuscis. ♀. Long. 6, Lat. 1½ Millim. — (Mus. Holm.).

Statura omnino præcedentis, cujus verosimiliter varietas.

Phytocoris FALL.

1. *P. subvittatus* STÅL.

Flavo-albidus, pilosulus; antennarum articulo basali, femoribus apicem versus, tibiis extus fusco-irroratis, thorace lutescente-4-vittato, posterius intra marginem linea sanguinea; appendicis margine apicali sanguineo-irrorato; membrana obsolete fuscescente-maculata. ♀. Long. 3½, Lat. 1½ Millim. — (Mus. Holm.).

P. Ulmi multo minor. Articulus basalis antennarum thoraci æquilongus, fusco-brunneo-irroratus, 2 illo duplo fere longior, 2 apicales nigro-fusci, singulus basali nonnihil longior. Thorax latitudine postice ½ brevior, antice quam postice plus dimidio angustior, vittis 4 lutescentibus, postice evanescentibus, lineaque intra marginem posticum fusco-sanguinea ornatus. Hemelytra remote fuscescente-pilosula, corio medio et apice dilutiore, medio prope suturam clavi minute sanguineo-irrorato, margine costali punctis minutis sanguineis ornato; appendice apice sanguineo-irrorato; membrana vittis 2 obliquis obsolete fuscescente-irroratis, venis hic illic subsanguineo-indutis.